

المحاضرة الختامية | التربية الإيمانية درس ١٠ | فاضل سليمان

فاضل سليمان

الحمد لله رب العالمين نحمده ونستعينه ونستهديه ونستغفره. ونعود بالله من شرور انفسنا ومن سينات اعمالنا انه من يهدى الله فهو المهتد. ومن يضل فلن تجد له ولها مرشدا. ونصلى - 00:00:12

ونسلم على المبعوث رحمة للعالمين سيدنا محمد وعلى الله وصحبه ومن تبع هداه فقرة الاعلانات قبل ما نبدأ نعمل لكم اعلانات. الناس اللي طبعت الاستبيان اللي هم التلاتهين سؤال اللي هم الحالة اليمانية بتاعة القلب اللي فيكم فاكر انا طلبت من حضراتكم تجاوبوهم - 00:00:32

وتجيب لي القديم اللي انت جاوبته اول ما بدأنا الدورة وتدبسم في بعض. تكتب لي قديم وجديد. الصندوق اللي هتحط فيه الورق ده طعم ما تكتبس اسمك. الصندوق اللي هتحط فيه الورق ده موجود برة على التراييزة بتاعة الاخ - 00:01:02 محمد اللي هو حاطط الكتب. ماشي؟ الشاب اللي اسمه محمد اللي معه الكتب. ده حاططين عنده صندوق. سواء الاخوة او الاخوات هو ده صندوق الانتخابات. تروحي ترمي الورقة بتاعتك فيه او ترمي ورتك فيه. واحنا بعد كده بنراجع احنا الورق ده ونشوف الحالة. يعني ايه النسبة المئوية من التحسن - 00:01:22

عند الناس قد ايه؟ دي حاجة. الحاجة الثانية احنا قلنا ان احنا النهاردة هنسجل فيديوز كده بتاعة الناس الناس اللي كانت مواظبة وعايزه تقول حاجة عن الدورة اليمانية في اسئلة معد تلات اربع اسئلة كده هنسأله لك لو حبيت او - 00:01:42 حبيتي انكم تصوروا معنا. هنا تحت في المسجد هنا في هيكون فيه كاميرتين. وفيه كاميرا فوق عند الاخوات. ايه انا اشجعه لكم اه الناس اللي كانت مواظبة انها تديننا انطباعاتها خاصة على العلاقة بالقرآن بقت عاملة ازاي بعد الدورة. يعني قبل الدورة - 00:02:02 تقول لي انا والله كنت بقرأ القرآن كل قد ايه؟ كل اسبوع مسلا في اللي كان كل رمضان فيه اللي كان الله اعلم. كل واحد يقول قد ايه. ولدوقتي بقت علاقتي بالقرآن دي. بقى اقدر ابعد عنه ولا ما اقدر ابعده عنه؟ احنا جايين صايمين النهاردة. صح؟ صايمين عن - 00:02:22

قراءة القرآن. مش احنا قلنا؟ النهاردة وامبارح من الفجر قاطعين القرآن. عايز اعرف احوالكم عاملة ايه؟ الناس اللي بقى لها يوم ونص دلوقتي ما قرتش الورد بتاعها. حد بقى يقول لي كده. يعني فيكم حد عايز يقول لي احواله عاملة ايه؟ او حاسس بایه - 00:02:42 في كلمة او في كلمة ايه؟ في حد عايز يقول؟ اللي نسي يقطع يقطع بقى بكرة ويقول لي احوالك عاملة ايه بعدها؟ بس انا عايزك تشوف انت لما يعني انت نسيت حتى ان انت ما تقراش. وده كوييس. انا عندي واحد في الدورة اللي قبل اللي فاتت قال لي قطعت - 00:03:02

يوم اللي احنا كنا بنتقابل يوم الخميس. فقلت لهم ان الاربع ما تقروش. فهو الاربع قطع. الخميس الصبح قرا قال لي طز فيك بقى على الواجب بتاعك انا مش قادر. اهو ده اللي انا عايز اقوله. طب انت نسيت طب فيه حد قطع - 00:03:22 من امبارح الصبح وحاسس بحاجة عايز يقولها مش لازم في الميكروفون بتاع السي قل لي حاسس بایه؟ فيكم حد قطع طيب من امبارح؟ حاسس بایه حاسس ان في حاجة غلط ان اصبح عندك ارتباط يومي. مم. تلاقي شعور معين - 00:03:42 حاسس بالخوف. لأننا ما يعني فكرت اعملها بس خفت. يعني انت ما عملتش الواجب برضو؟ لا مش يعني انت ما عملتش الواجب برضو. يعني هو ما عملش الواجب بانه - 00:04:02 هو خاف انه يقطع. يعني ده اللي عايز اقوله يعني اذا اصبحت هناك علاقة ارتباط حتى لما بقى الواجب انك ما تقراش قريت هو مش

عايزين اكتر من كده. حلو اوبي. وفيه اللي قطع لكن حاسس ان فيه حاجة غلط. طب اسألك سؤال الاخ اللي حاسس ان فيه حاجة غلط عشان ما قراش بقى له يوم ونص - 00:04:12

قبل الدورة كت بتقرأ القرآن كل قد ايه؟ ما كتش بالانتظام ده كان تقريبا كل قد ايه بتقرأ بتقعد تقرأ لمدة ساعة نص ساعة حتى. مم. ما كانش سابتة. يعني اذا هناك - 00:04:32

ايه علاقة ارتباط اصبحت بقرآن؟ طب هل هناك احساس بنوع من مزید من الاستقامة في المعاملات؟ اه ناس بتهز دماغها في معاملات في اقبال اكتر ممكن على النوافل كان في كسل في النوافل اصبح في انا ما اتكلمتوش عن النوافل خالص. ما قلتش لحد - 00:04:52

النوافل صح؟ لكن اصبح النهاردة الواحد ممكن يقوم يصلی السنة. اصبح النهاردة ممكن يقبل على الایه؟ الصوم. مش كده؟ تمام. طيب طيب ايه تاني في فقرة الاعلانات؟ يوم الاربع اللي جاي المسجد فيه ليلة ايمانية آآ - 00:05:12

الشيخ حسن مرعب آآ هيكون موجود وهيكون فيها اظن خاطرة او درس. وهيكون فيها قيام ليل و حاجات زي كده. فقال ان انا اعلن لكم عنها. يوم الخميس في درس الشيخ انس السلطان قصص القرآن. اوكي. قصص القرآن بعد صلاة - 00:05:32

كده فترة الاعلانات خلصت. اه انتم شفتم الحملة اللي اتعملت علي انا والدكتور عمرو شريف ولا لأ؟ بسبب الدورة بتاعة كيف تحاور ملحدا من تلت تيام لقينا تلت مقالات في تلت وبسيطات مختلفة منهم اليوم السابع قدح شديد - 00:05:52

جدا متضايقين اوبي عشان هنعمل دورة كيف تحاور ملحدك. انا مش عارف في ايه خلاص سبحان الله! واحد فيهم بيقول لك ايه هم يعني جربة؟ اه. لا لا مش اه - 00:06:12

هم يعني جربة يعني؟ عايزين تحاوروهم ليه يا اخي؟ مشبني ادمين هم زيكم يعني حاجة عجيبة سبحان الله احنا بنقول تحاور ملحدا. هو حد قال نقتل ملحدا؟ حاجة غريبة! حتى الحوار مش عاجب. الحمد لله - 00:06:32

تعالوا نتكلم بقى على احنا النهاردة في اخر جلسة من جلسات التربية الایمانية. عايزين كده نحاول نستشف احنا واصلين فين؟ احنا وضعنا ايه دلوقتي؟ في الحالة القلبية اللي عندنا. يا جماعة التربية - 00:06:52

لها اهداف. اذكركم بها. الهدف الاول منها هو تمكين اليقظة من القلب يعني لو تشتكونا كده قلت لكم القلب دوا في اول مرة. زي ما يكون واحد نايم انت شايف واحد نايم في الشارع - 00:07:12

وجنبيه ازايز خمرة فاضية ومحظوظة مقلوبة كده. فده اكيد سكران ونايم. قلت لكم هتوعظوا ازاي قلتوا لي ايه هنصحيه الاول. وانت هتوعظه وهو نايم لازم تصحح نفس الكلام. بيقى اول هدف من اهداف التربية الایمانية هو - 00:07:32

هو تمكين اليقظة من القلب. مش ايقاز القلب ما انت ممكن تصحى وتقوم نايم تاني. يقول لك ما صليتش الفجر. ليه؟ ما اعرفش. النبي ما ضربش. ضرب بس طفيت ونممت بيقى اليقظة ما تمكتتش منك. بيقى الغرض الاساسي مش ايقاظ القلب لأن. تمكين اليقظة - 00:07:52

من القلب. يعني اصحح القلب افوقه. يقوم يقف برة السرير. خلاص فاق مش هيقعد ينام تاني. الهدف الثاني قطع الحبال بين القلب والهوى. تفكروا الهواء قلنا المزاج. بالبلدي. الایه الميول الانسان بييميل بطبيعته الى ايه؟ الى الكسل الى الشهوة الجنسية الى - 00:08:18

ده التملك الى في ميول الانسان بييميل لها. انا عايز اقطع الحبال بين الهوى وبين القلب فتصبح الدنيا ما لهاش قيمة عند الانسان كبيرة. تصبح قيمة الدنيا تقل عند الانسان. بقطع الحبال - 00:08:48

آآ او انا عندي مشكلة في في الميكروفون على فكرة يا جماعة. لو فيه ميكروفون احسن من ده ما اعرفش ايه الميكروفون بيقطع الحاجة الثالثة اني اوصل للهدف الاخير بقى. الى القلب السليم. الا من اتى الله بقلب - 00:09:08

البن سليم قلب السليم ده وانك توصل لمرحلة ان تعبد الله كأنك تراه. فان لم تكن تراه هو يراك. اللي هي بيسموها بعض العلماء مرحلة الوصول الى الله. مرحلة عالية اوبي - 00:09:28

المهم احنا النهاردة في اي حالة من دول زي ما استشفينا من حضراتكم كده. بدأ في ورع اكتر شوية في المعاملات واحد بقى يخلي بالله في المعاملات. يتسامح مع الناس اكتر شوية. بقى في اتجاه ايجابي نحو العبادات ونحو - 00:09:48

النوافل بقى فيه اقبال على تعلم الممکن الدروس يروح يحضر درس في مسجد يحضر آآ مقرأة اه اصبح هناك اقبال اكتر شوية استقامة اكتر شوية. بدأ حجم الدنيا يصغر ولو قليل شوية - 00:10:08

بس بقت الدنيا اصغر من قبل كده. بقى الاهتمام بالدنيا اقل شوية من قبل كده. ده الوضع الحالى. لو بتشعر ببعض هذه الاشياء او بهذه الاشياء بيقى لازم تعرف انت حصل لك ايه. في سورة الانعام ربنا سبحانه وتعالى بيقول - 00:10:28

اومن كان ميتا فاحييـناه وجعلـنا له نورا يمشـي به في اللي حصل ان انت عندك قلبـ كان مـزم ما كانـش جـواه كـلام ربـنا. ولا حـب ربـنا.

حب ربـنا كان موجود بـس قـليل قـوي وصـغير قـوي - 00:10:48

قوـيـ بدـأ حـاجـة تـنـور جـوـة القـلـب فالـقـلـب المـيـت اـبـتـدـى يـحـيـاـ بالـاـيـه ؟ بالـقـرـآنـ القرآنـ دـه رـوـحـ بـتـحـيـيـ القـلـبـ فالـلـيـ حـصـلـ لوـ اـنـتـ عـنـدـكـ

المـشـاعـرـ دـيـ اـبـتـدـتـ تـشـعـرـ بـهـاـ بـيـقـىـ اـنـتـ عـنـدـكـ حـاجـةـ نـورـتـ جـوـةـ القـلـبـ دـيـ اـسـمـهـ بـدـاـيـاتـ اليـقـظـةـ - 00:11:08

انت لـسـةـ ماـ اـسـتـيقـزـتـشـ بـالـكـامـلـ فـاـحـنـاـ دـلـوقـتـيـ لـمـاـ بـدـأـنـاـ نـشـعـرـ بـالـمـشـاعـرـ دـيـ بـيـقـىـ اـحـنـاـ دـلـوقـتـيـ فـيـ مـرـحـلـةـ بـدـاـيـاتـ اليـقـظـةـ.ـ المـرـحـلـةـ

حـلـوـةـ بـسـ اوـعـىـ تـنـامـ تـانـيـ خـلـصـنـاـ الدـوـرـةـ خـلـاـصـ.ـ مـشـ هـنـنـامـ تـانـيـ بـقـىـ.ـ اـيـاـكـ انـ تـقـنـتـ بـالـحـالـةـ اللـيـ اـنـتـ فـيـهاـ دـلـوقـتـيـ - 00:11:35

الـنـاسـ اللـيـ قـاعـدـةـ دـيـ وـعـمـلـتـ الـوـاجـهـاتـ بـتـاعـتـهـاـ بـقـتـ بـتـشـعـرـ بـالـمـشـاعـرـ دـيـ نـوـعـ منـ اـتـتـيـنـ بـقـىـ مـنـنـاـ اللـيـ هـيـغـتـرـ وـهـيـفـرـ بـالـوـضـعـ اللـيـ هـوـ

فـيـ وـهـيـكـتـفـيـ.ـ وـمـنـنـاـ اللـيـ فـيـشـمـرـ وـهـيـكـمـلـ اللـيـ هـيـفـرـ وـهـيـكـتـفـيـ هـيـرـجـعـ يـفـطـرـ شـوـيـةـ شـوـيـةـ يـقـعـدـ يـفـطـرـ يـفـطـرـ تـانـيـ شـوـيـةـ - 00:12:05

الـنـورـ اللـيـ نـورـهـ يـرـجـعـوـاـ يـضـلـمـوـاـ تـانـيـ.ـ وـالـقـلـبـ يـرـجـعـ يـضـلـمـ تـانـيـ.ـ وـيـرـجـعـ الـهـوـاـ يـسـيـطـرـ تـانـيـ عـلـىـ الـاـنـسـانـ فـطـالـ عـلـيـهـمـ الـاـمـدـ فـقـسـتـ

قـلـوبـهـمـ.ـ وـفـيـ مـنـنـاـ اللـيـ هـيـعـرـفـ اـنـ دـيـ وـهـيـكـمـلـ بـقـىـ.ـ خـلـاـصـ فـيـهـ وـاجـهـاتـ اـنـاـ وـاـخـدـهـاـ النـهـارـدـةـ اـحـنـاـ مـاـشـيـنـ عـلـىـ طـوـلـ.ـ طـوـلـ الـعـمـرـ

خـلـاـصـ.ـ مـاـ بـقـتـشـ وـاجـهـاتـ - 00:12:38

هـيـ بـقـتـ دـلـوقـتـيـ لـمـاـ بـنـقـولـ لـلـنـاسـ تـمـتـنـعـ عـنـهـاـ النـاسـ مـاـ اـمـتـنـعـتـشـ.ـ وـالـلـيـ اـمـتـنـعـ حـسـانـ فـيـهـ حـاجـةـ غـلـطـ وـالـلـيـ يـقـولـ لـيـ تـعـبـانـ.ـ تـعـبـانـ

عـشـانـ مـاـ قـراـشـ يـوـمـ وـنـصـ.ـ خـلـ بـالـكـ يـبـقـىـ اـنـتـ مـنـ هـنـاـ تـعـرـفـ اـنـ دـيـ الـبـداـيـةـ.ـ كـمـلـ بـقـىـ - 00:13:08

الـنـورـ خـلـيـهـ يـنـورـ قـلـبـكـ كـلـهـ.ـ اـنـتـ فـيـ بـدـاـيـاتـ اليـقـظـةـ.ـ يـعـنـيـ اـنـتـ فـيـ بـدـاـيـةـ الرـحـلـةـ رـحـلـةـ سـيـرـ القـلـبـ إـلـىـ اللـهـ.ـ اـنـتـ رـايـحـ اـسـكـنـدـرـيـةـ.ـ تـقـوـمـ

تـطـلـعـ لـغـاـيـةـ الـبـوـابـاتـ هـنـاـ وـتـرـجـعـ!ـ كـمـلـ بـقـىـ.ـ خـلـاـصـ دـهـ اـنـتـ قـطـعـتـ كـلـ - 00:13:27

لـلـزـحـمـةـ لـغـاـيـةـ مـاـ دـخـلـتـ عـلـىـ اـوـلـ الـطـرـيـقـ.ـ كـمـلـ هـوـ دـهـ.ـ شـمـرـ وـكـمـلـ.ـ وـاـنـتـ بـتـكـمـلـ اـنـتـ نـفـسـكـ عـمـالـ تـزـدـادـ وـرـعـ.ـ تـزـدـادـ دـعـمـ اـكـتـرـاتـ بـالـمـالـ.

عـدـمـ اـكـتـرـاتـ بـالـدـنـيـاـ تـصـغـرـ تـعـرـفـ اـنـ كـانـ فـيـ اـرـاضـيـ بـتـتـوـزـعـ فـيـ التـجـمـعـ وـاـنـتـ مـاـ عـرـفـتـشـ عـنـهـاـ وـالـبـابـ اـنـقـفـلـ خـلـاـصـ - 00:13:47

قـدـرـ اللـهـ وـمـاـ شـاءـ فـعـلـ.ـ زـمـانـ كـانـ لـيـهـ ؟ـ تـعـمـلـ كـدـهـ وـبـتـاعـ مـشـ مـعـقـولـ ماـ حـدـشـ يـكـلـمـنـيـ دـلـوقـتـيـ.ـ ماـ حـدـشـ يـكـلـمـنـيـ خـلـاـصـ.ـ صـحـ اـيـهـ كـانـ

الـدـنـيـاـ حـجـمـهـ كـبـيرـ اوـيـ فـرـصـهـ رـاحـتـ.ـ دـلـوقـتـيـ الـدـنـيـاـ تـصـغـرـ شـوـيـةـ شـوـيـةـ تـصـغـرـ شـوـيـةـ شـوـيـةـ.ـ اللـيـ بـيـجـيـ مـنـهـاـ خـيـرـ.ـ اللـيـ مـاـ

يـجـيـشـ خـيـرـ اـكـتـرـ - 00:14:17

يـبـدـأـ تـفـكـرـ فـيـ الـمـوـتـ فـيـ الـاـسـتـعـادـ هـلـ اـنـاـ مـسـتـعـدـ اـمـوـتـ يـعـنـيـ اـنـاـ مـسـتـعـدـ هـلـ اـنـاـ عـمـلـتـ حـاجـةـ ؟ـ سـبـتـ بـصـمـةـ فـيـ الـدـنـيـاـ ؟ـ

سـبـتـ اـثـرـ عـلـمـتـ حـاجـةـ كـوـيـسـةـ عـلـمـتـ حـدـ حـاجـةـ كـوـيـسـةـ تـبـدـأـ مـاـ اـنـتـ - 00:14:37

هـتـشـمـرـ بـقـىـ هـتـبـدـأـ تـفـكـرـ اـنـتـ حـالـكـ اـيـهـ مـعـ رـبـنـاـ الرـسـوـلـ عـلـيـهـ الصـلـاـةـ وـالـسـلـامـ لـمـاـ تـلـىـ الـاـيـةـ الـكـرـيمـةـ فـيـ سـوـرـةـ الـزـمـرـ اـفـمـنـ شـرـحـ اللـهـ صـدـرـهـ

لـلـسـلـامـ.ـ فـهـوـ عـلـىـ نـورـ مـنـ رـبـهـ.ـ الصـحـابـةـ سـأـلـوـهـ كـيـفـ اـنـشـرـ الصـدـرـ يـاـ رـسـوـلـ اللـهـ ؟ـ يـعـنـيـ اـيـهـ شـرـحـ اللـهـ الصـدـرـ ؟ـ يـعـنـيـ اـيـهـ الصـدـرـ يـنـشـرـ - 00:14:57

قـالـ النـبـيـ صـلـىـ اللـهـ عـلـيـهـ وـسـلـمـ اـذـ دـخـلـ نـورـ القـلـبـ اـنـشـرـ وـانـفـتـحـ.ـ قـلـنـاـ وـمـاـ عـلـامـةـ ذـلـكـ ؟ـ اـيـهـ هـيـ عـلـامـةـ مـنـ قـلـبـ اـنـشـرـ اوـ القـلـبـ

اـنـفـتـحـ ؟ـ قـالـ الـانـابـةـ الـىـ دـارـ الـخـلـودـ.ـ تـدـيـ اـنـسـانـ يـفـكـرـ اـكـتـرـ فـيـ الـاـخـرـةـ.ـ وـالـتـجـاـفـيـ عـنـ - 00:15:27

دارـ الغـرـورـ وـيـبـدـأـ الـاـنـسـانـ مـاـ يـهـتـمـشـ بـالـاـمـورـ الـدـنـيـوـيـةـ.ـ وـبـالـاـحـوـالـ اللـيـ فـيـهـ مـاـلـ مـشـ مـعـنـاهـ اـنـيـ اـسـيـبـ الشـفـلـ لـأـ بـالـعـكـسـ اـنـتـ لـاـبـدـ اـنـكـ

تشتغل ولابد انك تنتج عشان تسيب اثر وراك في الدنيا لكن قيمة المال عندك - 00:15:57

ترخص آآ تحسب كده الزكاة بتاعتك تطلع مسلا اربع خمس سنت الاف جنيه تقوم مطلع عشرة اتناشر ضعف الزكاة. تلات اضعاف الزكاة. اربع اضعاف الزكاة. الاول كان ايه؟ بالسحتوت تحسبها مليون مرة وتطلع اربع تلاف تقدر تحسبها تاني عشان يمكن تطلع تلاتة المرة دي. صح؟ ما خلاص الدنيا بتقل الدنيا بالنسبة لك تبقى حاجة - 00:16:17

ما تحسبيش بقى وراء رينا ان رينا مش هيحسبي وراك. يبقى قال لك ايه؟ عالمة انشراح القلب هو الاناث الى دار الخلود عمال تبعت على هناك. بتبعت فلوسك على هناك. والتجافي عن باقي - 00:16:47

الغورو والاستعداد للموت قبل النزول. حاول تستعد. عارفين حديس الرسول عليه الصلوة والسلام؟ كن في كأنك غريب او عابر سبيل. يعني الدنيا دي مكانك انت ايه حجزت لنا في فندق - 00:17:07

دخلت هتستمتع وتستعمل الحاجات دي لكن هي مش بتاعتك. فبتحافظ عليها. انك لو بوزت حاجة منها هم واخدin منك بتاعتك هتنزل خدت حاجة من دية بوزت حاجة من دية هتتفاعل. فبتخشن تستعمل بزوق وبتقوم - 00:17:27

طيب الحاجة دي الساعة اتناشر تاني يوم وانت خلاص هي الدنيا بالنسبة لك تصبح اكثنا غرفة في فندق. الحاجات اللي فيها مش بتاعتك داخل تستعملها بالمعرف وخارج كن في الدنيا كأنك غريب او عابر سبيل. تبدأ في الحالة دي تبص لممتلكاتك انها مش - 00:17:47

بلاش ممتلكاتك ولا حاجة. سيارتكم مش سيارتكم. ولا فلوسك فلوسك. امال الفلوس اتنين واتوهم من مال الله الذي اتاكم. دي فلوس رينا انت ما لك اضافي؟ مش المالك الحقيقي. واضافك عشان يخترفك بس. بيخترفك بالفلوس - 00:18:07

فتتصبح الدنيا بالنسبة لك هيئه وعارف ان كل اللي فيها حتى مش بتاعك. رينا بيخترفك به. انجح في الاختبار ما سيدنا عمر دخل على الرسول عليه الصلوة والسلام نايم على الحصير والحصير معلم في جنبه - 00:18:37

بكى سيدنا عمر يا رسول الله يعني مش للدرجة دي قل لنا نجيب لك حاجة طرية شوية تناه علها حاجة لك حاجة قطن اي حاجة قال هيئه يا عمر ما لي والدنيا؟ ان مثلـي في الدنيا - 00:18:57

في يوم صائف يوم صيف حر. عارفين ايام الصيف الحر بتاعة السعودية عاملة ازاي كانت في السعودية ساعتها اهو يوم بقى زي ده الرسول صلى الله عليه وسلم بيقول لك انا في الدنيا زي يكون واحد مسافر في يوم حر زي ده - 00:19:17

فوجـد شجرة فاستظل تحتها ثم مضـي في طريقـه. هي الدنيا كـده بالنسبة له بـس كنت بـقول لـعـمار اـيه اـحـنا دـلـوقـتـي مـسـافـرـين وـرـايـحـين اـسـكـنـدـرـيـة نـقـضـي هـنـاكـ الصـيفـ كـلـهـ واـخـدـيـنـ مـعـنـا مـسـلـا خـمـسـ تـلـافـ جـنـيـهـ. عـشـانـ نـصـرـفـهـمـ وـنـفـسـحـ بـهـمـ فيـ الصـيفـ. ماـشـيـ؟ هـوـ اـحـنا ماـشـيـنـ كـدـهـ - 00:19:37

لـقـيـناـ ماـسـتـرـزـ. عـارـفـينـ الـلـيـ هـوـ الـاـيـهـ؟ لـمـاـ كـانـ كـدـهـ النـاسـ تـخـشـ تـرـيـحـ فـيـهـ. فـوـقـفـنـاـ عـشـرـ دـقـاـيقـ السـوـاقـ يـاـخـدـ آـآـ كـوـبـاـيـةـ قـهـوـةـ عـشـانـ ماـيـاـمـشـ وـهـوـ سـاـيقـ. وـالـعـيـالـ انـ كـانـ كـلـ وـاـحـدـ يـخـشـ الـحـمـامـ - 00:20:07

وـنـمـشـيـ بـقـىـ خـلاـصـ نـصـرـفـ لـنـاـ فـيـ مـاسـتـرـزـ كـامـ؟ تـلـاتـينـ اـرـبـاعـينـ خـمـسـيـنـ جـنـيـهـ. لـكـنـ لوـ دـخـلـنـاـ صـرـفـنـاـ فـيـ مـاسـتـرـزـ الـخـمـسـ تـلـافـ جـنـيـهـ كـلـهـ بـيـقـىـ اـحـناـ بـوـزـنـاـ اـيـهـ؟ المـصـيـفـ بـوـزـنـاـ اـيـهـ؟ الـاـخـرـةـ الـلـيـ اـحـناـ رـايـحـيـنـاـ الـهـدـفـ الـنـهـاـيـيـ هيـ الـدـنـيـاـ - 00:20:27

كـدـهـ بـتـخـشـهـ مـؤـقـتـاـ فيـ طـرـيـقـ الـىـ الـاـخـرـةـ اـنـاـ حـبـيـتـ اـشـرـحـ الـحـكـاـيـةـ دـيـ مـرـةـ فـيـ آـآـ وـاـشـنـطـنـ كـانـ فـيـ وـادـ اـسـمـرـ. قـلـتـ لـهـ تـعـالـ اـنـاـ عـارـفـ اـبـوـهـ صـومـالـيـيـنـ قـلـتـ لـهـ اـنـتـ مـنـيـنـ يـاـ وـادـ؟ قـالـ لـيـ فـيـ رـوـمـيـوـ. صـومـالـيـ. وـالـتـانـيـ اـيـضـ. عـارـفـ اـبـوـهـ وـاـمـهـ بـرـضـوـ مـنـ الـاـرـجـنـتـيـنـ - 00:20:47

انت اسمك ايه؟ اسمي كـزاـ. اـنـتـ مـنـيـنـ؟ قـالـ لـيـ فـرـامـ اـرـجـنـتـيـنـاـ. طـبـ وـدـهـ قـاـعـدـ وـابـوـهـ قـاـعـدـ قـلـتـ لـهـ اـبـنـكـ اـتـولـدـ فـيـنـ؟ قـالـ لـيـ هـنـاـ فـيـ وـاـشـنـطـنـ. وـاـنـتـ اـبـنـكـ اـتـولـدـ فـيـنـ؟ قـالـ لـيـ اـتـولـدـ فـيـ تـكـسـاسـ. اـنـتـ اـنـتـ وـهـوـ لـيـهـ؟ اـنـتـ قـلـتـ مـنـ الـصـومـالـ وـاـنـتـ لـيـهـ قـلـتـ اـنـ الـاـرـجـنـتـيـنـ وـاـنـتـ الـلـيـ - 00:21:15

مولودـيـنـ فـيـ اـمـرـيـكاـ فـيـ الـاـتـيـنـ فـيـ نـفـسـ وـاـحـدـ بـلـدـ اـبـوـيـاـ وـاـمـيـ. فـالـوـاحـدـ بـطـبـيـعـتـهـ بـيـنـسـبـ نـفـسـهـ بـلـدـ اـبـوـهـ وـاـمـهـ حـلـوـ. لـمـاـ اـحـناـ بـقـىـ يـبـقـىـ

ابونا وامنا اصلا بادين في الجنة احنا هنا في الارض يبقى انا جوايا - 00:21:35

اني عايز اروح دي مش بلدي. كوكب الارض مش بلدي. انا عايز ارجع. يبقى جواك مزروع جواك الاشتياق للجنة باستمرار. يا عمر ما لي والدنيا! انا ما لي ومال الدنيا! دي مش بلدنا يا جماعة! بلدنا - 00:22:05

هناك في الاخرة. لكن احنا جينا هنا هو في اختبار اللي هيعلمك مش رايح مروح. رح حته تانية وحشة الدنيا كده ببساطة شديدة جدا. يبقى الدنيا تبدأ تصغر وترخص في عيني الانسان. يبقى من اهداف التربية الایمانية - 00:22:25

تمكين اليقظة من القلب. لازم تفوق نفسك تماما. ده بيحصل امتنى ؟ بالاستمرار على الواجبات اللي احنا واصلين لها دي من النهاردة كده انا باقول لك من ست شهور الى سنة على حسب بقى كل واحد. تتمكن اليقظة - 00:22:45

منك تتمكن ولكن الواجبات اللي احنا واصلين لها قراءة قرآن بتدبر كل يوم في حدود الساعة اذكار صباح اذكار مساء دعاء الحب. كده بتوصل توصل انك استيقظ تماما. لسه ما قطعناش العلاقة كمان ، ده انت ما عرضكش على حبال الهوا. انت كده استيقظت. الرسول عليه الصلاة والسلام بيقول تعرض - 00:23:05

فتتن الفتنة الدنيا على القلوب كالحصير. عودا عودا. فاي قلب اشربها نكتت فيه نكتة سوداء. القلب اللي هيشرب فتن من فتن الدنيا تقوم نقطة سوداء حته حبر اسود تك في قلبه. وايما قلب رفضها نكتت فيه نكتة بيضاء. حتى تصبح - 00:23:35
قلوب على قلبيين. تبقى القلوب قلب من اتنين. قلب ابيض خالص. وقلب اسود وده مربادا كالكوز مجخيا. الكوز زمان كانوا بيسخنوه عشان يعملوا فيه مسلا يسلقو بيض يعملوا فيه شاي يعملوا فيه اي حاجة. فكيف يبقى قعر الكوز اسود خالص. كاش فيه آآ حاجات تدال بالكهرباء دي تسخن مية - 00:24:05

فالكوز مرباد مجخيا يعني مسود تماما. يقول لك قعر الحلة. هو ده الكوز القلب بيبقى عاوزة قعر الحلة. اسود خالص. ليه؟ لا يعرف معروفا ولا ينكر منكرا يوصل لهذه المرحلة. انالمعروف ما يشوفوش معروف. والمنكر ما يشوفوش منكر. احنا مش عايزين كده - 00:24:35

احنا عايزين قلبك يبقى قلب ابيض. القلب الابيض ده بان انت طول الوقت بتتنفسه وبتطهره وبتجليه بتدبر القرآن. وبالاذكار بتدبر. ما فيش حاجة خلاص بدون تدبر. خالص كده القلب استيقز. هنبدأ ننمی الایمان كمان بقى. لغاية ما نقطع حبال الهوا تماما بينه وبين القلب - 00:25:05

ازاي رمي الایمان؟ كل ده لما بنراجع مع بعض على فكرة كل اللي انت خدتوه قبل كده. في التمن امارات اللي فاتت. بنمي الایمان باني بخلي مساحة حب الله في قلبي اكبر من المساحة اللي فيها حب - 00:25:35

الدينية. ويجوز اني احب الامور الدينية. عادي. لكن حب المال وحب الزوجة وحب الاولاد وحب اي حاجة مش لازم انها تكون اكبر ابدا من حب ربنا. فلازم اجعل حب الله اكبر في قلبي من اي - 00:25:55

في شيء اخر على مستوى جميع المشاعر. فاكررين؟ اتكلمنا عن المشاعر. وان لو في مشعر من واحد من المشاعر وفي عندي دروب في مشعر تاني لسه يبقى محتاج قرآن اكتر. لأن القرآن هو اللي بيتعامل مع كل - 00:26:15

المشاعر بتاعتكم. لازم باستمرار بتقرأه عشان هيتعامل مع كل المشاعر. لما توصل لدلي هتقطع حبال الهوا بين الهوا القلب بانك على مستوى جميع المشاعر يصبح حب الله اكبر من حب الدنيا - 00:26:35

هيبيان امتنى ده؟ فاكررين قائمة الامنيات؟ اول مرة قلت تخيل نفسك وانت في الدرس ده اللي وانت خارج حصلت حادسة وجه ملك الموت يقبض روحك. فانت طلبت منه يدي لك مهلة اربعة وعشرين ساعة - 00:26:55

وقلنا طبعا ده مش هيحصل مش هيديك مهلة لكن نفترض انه امهلك اربعة وعشرين ساعة. في الاربعة وعشرين ساعة دول هتعمل ايه؟ ما هي الامنيات التي تتمنى انك تعملها؟ اكيد قلنا مش هتروح تقعدين قدام التليفزيون. ده الليلة دي - 00:27:15

هتبقى فيها قيم وهبيقى فيها ازكار وهتنزل وheetkam الناس اللي انت مقاطعهم وهتروح وهتذور وهتوصل الارحام وتسامح الناس عشان ربنا يسامحك. وهتروح تستسمح الناس اللي انت غلطت فيهم. ده انت هتعمل عمايل في الاربعة وعشرين ساعة دي. قلنا اكتب

قائمة الامنيات دي لما تلاقي نفسك بتتنفسها يبقى انت هنا الايمان تمك من قلبك. اليقظة تمكنت تماما خلاص ما فيش حاجة اسمها اصل هو اللي غلط في انا ما بكلموش. خلاص بقى متسامح. بقىت بتيجي على نفسك. بقىت بتتساهمل - 00:27:55

ده لما تلاقي نفسك بتقوم بقائمة الامنيات ديت فانت كده اليقظة تمكنت من قلبك. حتى تصل الى الولادة الثانية. اللي هي قطع حبال الهوى. دي معناها ايه بقى؟ مش ان - 00:28:15

بالله اكبر لا. معناه ان حب الله بقى هو الطاغي على قلبك. والدنيا اصبحت حقيرة جدا مش فارقة معك. ويصبح قلبك رقيق يتأثر بالمواعظ. تسمع موعظة جميلة ممكن تبكي تتأثر تسمع قرآن تبكي. مشاعرك وتتهز بسهولة جدا. ده اللي هو ايه - 00:28:35

الولادة الثانية اللي هو القلب الصافي خلاص ابيض خالص يتتأثر بسهولة انزل في السجود تشعر ان قلبك سدد. تقوم تحس ان قلبك ساجد لسه. بيشعروا بسجود القلب دي ولادة تانية. لا يستقيم ايمان عبد حتى يستقيم قلب هزا العبد - 00:29:05

ولا يستقيم قلب عبد الا اذا استقام لسان العبد. طول بقى ما انت شايف نفسك ليه بتقول الفاظ من ايها بتهزز بالفاز مش نضيفة وبتاع عارف انك لسة شوية. لما لسانك يستقيم وتبدا - 00:29:35

تستقر هذه الكلمات. خلاص تبقى عارف ان ده لساني ده اللي بيقول لا الله الا الله. سبحان الله الحمد لله الله اكبر. ازاي هقول لفز مش نضيف؟ ازاي؟ حتى لو بهزار. بيتدى الواحد يلاحر استقامة على لسانه - 00:29:55

القلب يستقيم يستقيم الامان. الكلام ده للشباب اللي قاعد اللي بقت حاجة كول اوبي انه يقول الفاظه ومش عارف ايه يا عم ما بيقاش معاناة زي الاول لغاية ما توصل للقلب السليم. القلب السليم ان تعبد الله كأنك تراه. يعني اللي بيسموه الوصول الى الله - 00:30:15

لكل شيء في الدنيا حقيقة. ويقول احد الصالحين ان حقيقة الامان هي ان الانسان يعلم ان اي شيء يحدث له لازم كان هيحدث. فيبدأ يستوي عنده الاذى بالخير يعني ربنا سبحانه وتعالى بيتكلم عن حقيقة الامان بالقضاء والقدر - 00:30:45

فيقول ايه؟ لكي لا تأسوا على ما فاتكم ولا تفرحوا بما اتاكتم مش بس ان انت توصل لمرحلة انك ما تزعلش لأ ده انت كمان هتوصل ما تفرحش. لا هتزعلي على اللي هي فوتك ولا هتفرح باللي جالك. ليه؟ كم مرة - 00:31:25

زعلينا على حاجات وحشة حصلت لنا وبعد كده اكتشفنا انها احسن حاجة حصلت لي في حياتي مش كان بيحصل؟ طب كنا كنا زعلانيين ليه؟ كم مرة فرحتنا بحاجات؟ وبعدها اكتشفنا انها او حش - 00:31:55

حاجة حصلت في حياتي. العربية هيوندای اكست قافلة على حد بردہ. ماشي - 00:32:15

خلاص بقى انا قلت اعمل ايه طيب؟ المهم طيروا لنا شوية عندنا هنا. دخلونا في الدنيا والعربات ها؟ لا يا شيخ. اخلاق تطلع عربية اللي جنبك ولا حاجة وضربك دلوتي. المهم لكل شيء في الدنيا حقيقة. وحقيقة الامان هو ان الانسان يعلم - 00:32:35

ان ما اصابه لم يكن ليخطئه. وما اخطأوا لم يكن ليصيبه. ياما فرحتنا بحاجات واكتشفنا انها او حش حاجة حصلت لنا في حياتنا. ياه ده احنا كنا علت لما فرحتنا. وياما زعلنا على حاجات واكتشفنا انها احسن حاجة حصلناها في حياتنا - 00:33:05

احنا ياد احنا كنا عبط لما زعلنا. الله طالما احنا مش عارفين الكويس بجد. ولا لأ الوحش وحش بجد ولا لأ؟ ليه لست بنفرح وبنزعل؟ طب ما تيجوا نرضي. يحصل حاجة وحشة؟ نرضي - 00:33:25

بقضاء الله. يحصل حاجة حلوة نرضي. لانها يمكن تكون مش حلوة ولا حاجة. احنا ايش عرفنا. هي ده هو ده انك ابدل الشعورين دول. ده مش سهل ابدا ابدا. شعور الفرح وشعور الزعل بشعور الرضا. رضي الله - 00:33:45

وعنهم ورضوا عنه. دينك انت وصلت للقلب السليم. القلب السليم ده يعني اصبحت ان شاء الله يعني انسان رباني. رباني موصول بالله. وصفه رصاص السلام ده اللي هوولي من اولياء الله الصالحين ده. خصوصا بيوصف اولياء الصالحين بيقول لك ايه رب اشت اغبر. مدفوع بالابواب - 00:34:05

لو اقسم على الله لابره. يعني منكوش كده وما هو اش ولد شيك. مش بيلبس حاجات حلوة بعدين بيجي يقول انا معلش لو سمحت خليك كده ما تخشن. مدفوع بالابواب. لو خطب لا يزوج - 00:34:35

يجي يخطب انت؟ لا. اذا استأذن لا يؤذن له. شخص لا يؤبه له لا يؤبه له. ومع ذلك اذا اراد شيئا اذا دعا دعوة تتحقق. لانك لو اقسم على الله لابره - 00:34:55

ده لانه انسان رباني. انت بقى مهمتك انك تحاول تبقى كده. مش تدور عليهم. اصل الناس طول النهار رايحة يعني رايح ازور الاولى راح للولي الفلاني راحت الشعب فاكر انهولي اصلا. طب انت رحت تزور الوالي استفدت ايه؟ ما تبقى انت وللي - 00:35:15

خليك انت من اولىاء الله الصالحين. فهي ده المهم احنا بنعمله ده كله عشان نحاول احنا نبقى اولىاء الله اه كل واحد فينا ممكن بقى من اولىاء الله الصالحين. لكن ما تروحش تدور عليهم. عشان تبوس ايديهم. شرفك. وغالبا اللي بنشوفهم - 00:35:35

نبوس ايديهم وانت ده وللي وده شيخ وده مش عارف ايه وبتاع هو عادة مش معروفين لا يؤبه لهم اصلا الايمان يا جماعة بزرة بيرويها العمل الصالح. بدون كل البزرة مش هيحصل انبات. وبدون الماء مش هيحصل انبات. نفس الكلام. لازم الايمان يكون - 00:35:55

عشان ينمو. ولازم العمل الصالح لان هو ده الماء اللي بتروي بها الايمان. ربنا سبحانه وتعالى بيقول يوم يأتي بعض ايات ربك لا تنفع نفسا ايمانها لم تكن امنت من قبل. لازم يكون فيك بزرة موجودة بزرة الايمان - 00:36:25

او كسبت في ايمانها خيرا. والايام ده ينمو. ينمو بايه بقى؟ بصوا يا جماعة في حاجة اسمها مفهوم الخلاص. عند الاخوة المسيحيين. ازاي الانسان ينجو ازاي الانسان يخشن الجنة؟ قال لك اذا امنت تنجو هم عندهم - 00:36:51

اذا امنت باليسوع كله تنجو. احنا عندنا ممكن تقول لا الله الا الله وتخش النار برضه. الدين الوحيد العالم اللي بيضمن لاتباعه النار ازا ما عملوش العمل الصالح هو الاسلام. باقي الاديان كلها يقول لك - 00:37:21

تؤمن تدخل الجنة بمتوسيكل. ولا انت مش امنت؟ مبروك. الا الاسلام تؤمن تخش النار برضه. ليه؟ لان عندنا النجاة عبارة عن طائر يطير بجناحين. الجناح الاول اللي هو هو الايمان والجناح الثاني العمل الصالح. الذين امنوا وعملوا الصالحات. من يؤمن ويعمل صالحا. طول القرآن هتلaci - 00:37:41

ايمان مرتبط بالعمل الصالح. وطبعا ايه اللي بيذكر الاول؟ الايمان. الا في موضع واحد. يذكر العمل الصالح قبل الايمان في سورة الكهف. اخر آية قل انما انا بشر مثلكم يبقى عقيدتنا ان الرسول صلى الله عليه وسلم بشر مثلنا. من طين. زينا بالزيط لقى فيه - 00:38:11

فرق ايه هو؟ جاي اهو. يوحى الي. احنا لا يوحى اليه هو بشر مثلنا يوحى اليه. يوحى اليه ايه انما الحكم الله واحد. عقيدة التوحيد. وايه كمان؟ عقيدة الخلاص. فمن كان يرجو لقاء ربها - 00:38:41

فليعمل عملا صالحا. ويذكر العمل الصالح الاول. ولا يشرك بعبادة ربه احدا. ثم الايمان. اشمعنى سورة الكهف بقى بالذات. يذكر العمل الصالح قبل الايمان. لان في اول السورة انتقد من يرون ان الايمان وحده ينجي وينذر الذين قالوا اخذ الله ولدا ما - 00:39:01 الهم به من علم ولا لابائهم. كبرت كلمة تخرج من افواههم ان يقولون الا كذبا. وتشعر بنبرة غضب في القرآن من هذه الفريا وهذه الكذبة. فهنا الموضع تقريبا يعني في حد علمي الوحيد اللي يذكر فيه العمل الصالح - 00:39:31

قبل الايمان. ازا احنا غرضنا من التربية اليمانية دي نوصل ايه؟ بالقلب الى القلب السليم. يبقى لابد من الايمان والعمل الصالح. ويبيقوا مرتبطين ببعض. تاني هفكرك. اعمال الجوارح كل عمل من اعمال - 00:39:51

الجوارح معه عمل قلبي بيتعمل في نفس اللحزة. يعني استغفار هستغفار ربنا زي زمان استغفر الله استغفر الله استغفر الله ذي زمان! لا ما ينفعش خلاص. لازم يكون مرتبط بعمل قلبي. يبقى الاستغفار هيجي لي معه توبة وندم - 00:40:11

يبقى لما بقول استغفر الله لازم مشاعر التوبة والندم تتحرك لو ما تحركتش ايه لزومها؟ اللاتين الايمان والعمل الصالح. اعمال الجوارح واعمال القلوب ترتبط بعض من النهاردة على طول عندنا. على طول. شوفوا سيد الاستغفار. ليه سيد الاستغفار يعني؟ لانه مليان -

مشاعر بيفيض بالمشاعر التوبة والندم. اللهم انت ربى لا الله الا انت خلقتني وانا على عهده ووعده ما استطعت. اعوذ بك من شر ما صنعت ابوء لك بنعمتك علي وابوء بذنبي فاغفر لي فانه لا يغفر الذنب - 00:40:58

الا انت اهي عمل جوارح كان شغال وعمل قلب شغال معي مشاعر شغال لابد في كل عمل بعد كده بنعمله مع ربنا هيكون فيه اعمال جوارح واعمال قلبية في نفس الوقت. من اعمال الجوارح التواضع تتواضع - 00:41:28

بس ممكن اتواضع حركات يعني. لكن التواضع ده يصحبه في القلب شعور انك بدون لا انت لا شيء. ده يا جماعة انت اما تقرأ القرآن بس عشان تستكشف من انت؟ الحكاية دي الخلاصة - 00:41:48

بدون الله انت لا شيء. بالله تستطيع ان تفعل كل شيء. انت اقوى انسان بالله وانت بدون الله مش هاقول لك انت ضعيف. انت ولا حاجة الانسان بيخلاص في سانية. عملاق قوي - 00:42:08

اتفرج عليه وهو ميت ولا حاجة. بتقلبه كده بيترقلب بتقلبه كده بيترقلب خلاص اصبحوا ولا حاجة. ليه ما العملاق موجود؟ وزنه هو هو خلاص. لا حول لنا ولا قوة بدون الله اللي ربنا بيمننا بها. احنا عايشين بالكهرباء. لو ربنا قطع عنك الكهربا - 00:42:28

انت ماشي ربنا بيمنك بالقوة. من اعمال الجوارح تهادي التزاور تقديم خدمات للناس. لازم يصحبها عمل قلبي هو الميل القلبي بدي هدية لحد يحصل عندي تحرك مشاعر نحو ميل قلبي. رايح ازور حد لازم يكون في مشاعر بتتحرك نحو - 00:42:48

ميول قلبية لابد دايما في كل عمل بتعمله بعمل تحريك للمشاعر جواك. السيدة عائشة رضي الله عنها شافت راجل بيقرأ القرآن بسرعة دون تدبر فقالت ايه؟ ما قرأ هذا وما - 00:43:20

ما سكت يعني لا منه ارى ولا منه سكت هو عايز يختم عايز يلحق يختم قالت بلا قرا ولا سكت. قراءة هتبقي بتدبر تدبر شوفوا لو انزلنا هذا القرآن على جبل لرأيته خاشعا متصدعا - 00:43:40

من خشية الله وتلك الامثال نصريها للناس لعلهم يتفكرن جبل يتهد انت ما تتحركش ليه؟ بتقرأه ازاي؟ فين المشاعر؟ فين حركة المشاعر وانت بتقرأ القرآن؟ الاسلام ابتدى مشاعر ثم شعائر ثم شرائع بس الاول - 00:44:10

مشاعر وبعد كده شعائر وفي الآخر خالص شرائع. السيدة عائشة بتقول انما نزل اول كما نزل منه من القرآن. سورة من المفصل فيها ذكر الجنة والنار. عشان المشاعر. عشان بيتدى ايه؟ يلعب على المشاعر بتاعتك - 00:44:40

حتى اذا ساب الناس الى الاسلام بعد المشاعر ما اتحركت الناس اسلمت رجعت الى الاسلام. نزل الحال والحرام. ولو نزل اول شيء لا تشربوا الخمر. لقال لا ندع الخمر ابدا. ولو نزل لا تزنوا لقالوا لا ندع الزنا ابدا. لقد - 00:45:06

نزل بمكة على محمد صلى الله عليه وسلم. واني لجارية العب. بل الساعة موعدهم وال الساعة ادھي وامر وما نزلت سورة البقرة والنساء الا وانا عنده. بعد ما اتجوزه في المدينة. يبقى - 00:45:36

اذا في مكة القرآن نازل بيعالج العقيدة. مشاعر وعقائد ثم بعدين جت الشرائح عليه الصلاة والسلام بيربي ولد صغير. فقال له ايه؟ يا غلام اني اعلمك كلمات اسمع الكلام ده مهم او احفظ الله يحفظك. مشاعر عقائد - 00:45:56

احفظ الله تجده تجاهك. اذا استعنت فاستعن بالله اذا اسألت واعلم اه اذا اسألت فاسأل الله. اذا استعنت فاستعن بالله. واعلم ان الامة لو اجتمعت على ان ينفعوك بشيء لم ينفعوك الا بشيء قد كتبه الله لك - 00:46:26

ان الامة لو اجتمعت على ان يضروك بشيء فلن يضروك الا بشيء قد كتبه الله عليك. رفعت واقلام وجفت الصحف. كلها عبارة عن عقائد ومشاعر. لانه كل بآيدك اليمين ولا قال له اعمال جوارح كلها لازم ناكل بآيدينا اليمين. لكن لما بدأ يعلم الغلام علمه العقيدة الاول - 00:46:56

ما لوش بتص يا ابني انت لازم تحفظ خالص ما قلوش تحفظ بدأ اشتغل على قلبه خلى قلب الولد طفل متعلق بالله الطفل ده بعد كده حفظ القرآن بس لانه عايز يحفظ القرآن. مش انه بيأخذ رشوة. مش انه حفظ هيأخذ نجمة - 00:47:26

مش الا الحفظ هيطلع رحلة. ليه؟ ليه؟ ما انا اخليه يحب هو القرآن. عشان هو يبقى عايز بعدين هو يحفظ. ما احنا بنحفظ به اصلا

عشان ننفر لما اقول لحد كده واحد يقول لي اطلع نادي الشمس ازاي؟ اقول له تطلع من المسجد. تعمل يمين في شمال - 00:47:53 وييمين تاني وطوالى توصل نادي الشمس. حفظت؟ حفظت. سمع. اطلع من المسجد يمين. في شمال. في يمين وطوالى. تمام. نفذ بقى يبقى انت بتحفظ عشان تنفر. طب بتحفظ القرآن انت ما بتتفزوش ليه؟ ما هو ده معناه انه يصير حجة عليك. يبقى الاصل هنا -

00:48:13

ان الحفظ يأتي بتمهل بسبب التدبر. وسيلة معينة على التطبيق مش يبقى الحفظ هو الهدف اصبح هدفنا الحرص اصبح القرآن كتاب نزل ليحفظ. لكن حد يقول لك ليطبق؟ ما انت بس قل عايزين نطبق القرآن. يا خبر ابيض - 00:48:33

عن الاتهامات اللي هتتهمها فيتقال عليك خروف وهيتقال عليك مش عارف نعجة ويقال عليك ده عايز تطبق القرآن ده خروف البنبي ادم عبارة عن نتيجة عارفين النتيجة بيسدوا كل يوم ورقة منها. انت كل يوم - 00:48:59

شد منك ورقة. كل يوم يتشد ورقة. لغاية ما النتيجة تخلص هيحطوك في الارض ويردموا عليك. لانك انت عبارة عن نتائج. كل يوم بيتشد منك ورقة تخلி الورقة دي اللي بتقربك من ربنا. لذلك واجب يا جماعة علينا. مش للاسب - 00:49:19
الاسبوع الجاي خلاص ما فيش اسبوع كده. واجب على طول علينا قراءة القرآن بتدبر. خلاص ما فيش قرابة تاني زي زمان هنقرأ من هنا ورایح بتتدبر اية هزت لك مشاعرك حسيت بسکينة شديدة وانت بتقرأها - 00:49:39

اه حسيت بدموع بتنزل حسيت بمشاعر ما تسيبهاش معناها ان ايه؟ الشحن شغال. سبها تشنحه اقعد فيها ان شاء الله طول الليل ولا ورانا حاجة. خالص. الصلاة بخشووع وروح الصلاة الدرس موجود على الانترنت. اتفرج عليه تاني لو عايز - 00:49:59
كي تستحضر الخشووع ازاي تتذكر كل الاشياء اللي ممكن تشتتكم في الصلاة وترميها ورا ضهرك وتقول الله اكبير وتعرف انك واقف بين ايدين ربنا اي حاجة مهمة دلوقتي خلاص انت بين ايدين ربنا. لا بقت المذاكرة مهمة ولا بقت الفلوس مهمة ولا بقت الشغل مهم ولا حاجة انت بين ايدين ربنا - 00:50:29

الالاحاج في طلب القلب السليم ما يتوقفش الاذكار الدعاء فجاء التأمل في الكون. خلاص مخلوقات ربنا مش هتتعدي مننا بقى. ماشي كده وتلاقي القمر يا سلام! السحاب السحاب مع بعض النخلة مع السحاب مع القمر بورتريه ايه ده! ايه اللوحات دي! ايه الجمال ده - 00:50:49

وردة الكلب القطة كل حاجة. صنع الله الذي اتقن كل شيء ده يوصلك انك توصل لمرحلة ان قلبك يبقى سليم. احنا عايزين نعمل ايه؟ عايزين ننهض بالامة دي. بس الامة مكونة - 00:51:19

انا من افراد وكل فرد احنا عايزين نوصل الى صفات معينة فيه. من صفات الفرد المسلم كما قال العلماء قوي الجسم انا عايز طرد مسلم قوي الجسم. متين الخلق اخلاقه متين - 00:51:39

مثقف الفكر. مش ما بيقراش. قادرنا على الكسب سليم العقيدة صحيح العبادة الصلاة بخشووع مجاهدا واقف قصاد الهوا حريضا على وقته. مش بيضيع وقت ما بقاش حد بيحس بملل دلوقتي على اخر الدورة خلاص. زمان كنا ايه هنشوف الورق اللي انت ماليه. كان بيحس بملل كتير اوسي. انت اصلا دلوقتي مش ملحق على الواجبات - 00:51:59

منظما في شؤونه. شؤونك منظمة. نافعا لغيره. كده بقى عندك فرد مسلم كوييس. طب فيه عدة افراد اخوات مسلمين في الاسرة كويسيين بقى عندك اسرة مسلمة سليمة. وهي دي الوحدة بتاعة المجتمع. بقى عندك اسر مسلمة جيدة عندك مجتمع - 00:52:39
كوييس. تيجي لك حكومة مسلمة كوييسة. منكم يولى عليكم. بقى عندك حكومة مسلمة كوييسة لوحدها هتتيجي الدولة الاسلامية بقى عندك عدة دول اسلامية كوييسة في خلافة اسلامية. خلافة اسلامية قوية ولا خلافة اسلامية زي الدولة العثمانية - 00:52:59

في اخر متين تلتميت سنة كان اسمها رجل اوروبا المريض لا احنا عايزين ايه نبقى اساتذة العالم. نرجع احنا العالم مرة اخرى. هو ده سبيل النهضة. ولكن تبدأ منين؟ من المسجد هنا. ده مصنع بيصنع الرجال والنساء - 00:53:19

ان الله لا يغير ما بقوم حتى يغيروا ما بانفسهم. هي دي النهضة ابدأ من هنا من المسجد ولن تأتي الا من المسجد. خلاص؟ بالنسبة للدورة الروحية الحقيقة انا داخل على عدة سفريات الفترة الجاية ديا وهرجع منها يكون خلاص رمضان بيبتدي او مش هيكون

رمضان بيبيتدي لكن هيكون في امتحانات - 00:53:39

وهيكون بعدها الامتحانات رمضان هيبيتدي. فالحقيقة احنا ناقشنا الامر مع بعض الاخوة المسؤولين هنا في المسجد. ورأينا ان احنا الروحية تبدأ بعد رمضان. احنا شايفين كده. ونأخذ وقتنا دلوقتي في تتبيلت - 00:54:09

الايماني اللي احنا وصلنا له والارتفاع به. مش احنا اتفقنا على كده يا عم؟ اه لو فيه حاجة جديدة تابعونا بقى على هنقول لكم. لكن هو غالبا ان شاء الله الدورة الروحية هتبدأ بعد رمضان. بازن الله. هي اصلا ما تنفعش تبقى في رمضان. لأن هي - 00:54:29 فيها معزمهها واجبات عملية تعتمد على النوافز زي مسلا صوم النافلة. هقول لك صوم النافلة ازاي في رمضان؟ ما ينفعش. هيكون فيها مسلا وقيام ليل مسلا هيقولوا لك زي ما انت اصلا كده بتصلني قيام ليل في رمضان. فبقت ما ما لهاش معنى في رمضان ده ولا نروح ايه. خلاص؟ خان ايه؟ نجيب بعض الاسئلة لكن اذكر - 00:54:49

الاخوة والاخوات اللي عايزين يصوروا مع الاخوة اللي هي عملوا زي فيديو صغير كده عن الدورة يصوروا هنا والاخوات عندهم كاميرا فوق وبرضو بذكركم اللي جاب معه الورق اللي هو الاستبيان بتاع الحالة القلبية يحطه في الصندوق اللي برة عند الاخ محمد اللي معه الكتب - 00:55:09

الثلاث والاربع والخميس صيام تلتاشر واربعناشر وخمسناشر. ماشي؟ ويوم الاثنين منه هيبقى يوم اتناشر. فاييه؟ اتنين تلات اربع خميس ماشي. الاخ بيفكركم تذكير بصيام غدا قالت حاضر. الاخوة ما شاء الله. جزاكم الله خيرا على دين - 00:55:29 الوقت اتأخر كثيرا برجاء انهاء المحاضرة. حاضر يا فندم. بناء عليه سبحانه الله وبحمدك نشهد ان لا اله الا انت نستغفرك ونتوب اليه - 00:55:49